



«ОДАМИ ЭРСАНГ ДЕМАГИЛ ОДАМИ...»

2



БУЮК ЭВРИЛИШЛАР ДАВРИ

6



ҲОКИМЛИКНИНГ МАСЪУЛ ХОДИМИ ЎЗ ВАЗИФАСИНИ ТЎҒРИ БАЖАРМАДИ. БУНИНГ ОҚИБАТИДА НОГИРОН ФАРЗАНДЛАРИ БОР ОИЛАЛАР ОВВОРА-Ю САРСОН БЎЛДИ

7



БОБО (ВОКЕИЙ ХИКОЯ)

8



№ 25
2020-yil, 15-iyul
Chorshanba (32.619)

Ijtimoiy-siyosiy gazeta

1918-yil 21-iyundan chiqarib boshlagan

Улуғлардан улуғимсан, Ватаним!

O'zbekiston ovozi

ЧЕКЛОВЛАР ЯНАДА КУЧАЙТИРИЛДИ



ИХХБ
ТОШКЕНТ ШАҲРИДА
КАРАНТИН

4

Салтанат ШОТУЛГАНОВА олован сураётганлар.

ПРЕЗИДЕНТ: КОРОНАВИРУСГА ҚАРШИ КУРАШ УЧУН БИЗДА БАРЧА ЗАХИРА ВА ИМКОНИЯТЛАР МАВЖУД

Ўзбекистон Республикаси Президенти Шавкат Мирзиёев раислигида 14 июль куни ўтказилган видеоселектор йиғилиши аввалида мамлакатимиздаги эпидемиологик вазиятга яна бир бор алоҳида тўхталиб ўтилди.

«COVID-19» пандемиясини жилавлash йўлида амалга оширилаётган савий-ҳаракатлар ҳақида гапирар экан, давлатимиз раҳбари, жумладан, шундай деди:

– Хабарингиз бор, мамлакатимизда коронавирусга чалинганлар сони кўпайиб бораётгани муносабати билан биз карантин талабларини яна кучайтиришга мажбур бўлдик. Нега деганда, очик айтиш керак, ҳозирги кунда бутун дунё коронавирус деб ном олган мана шу тилсиз ёв, кўзга кўринмас душманга қарши уруш ҳолатида турибди.

Урушга кирган ҳар қайси давлат, ҳар қайси халқ ўз юртини, ўз аҳолисини ҳимоя қилиш учун барча чораларни кўради. Энг аввало, хавф-хатарнинг йўлини беркитади, темир интизом ўрнатади. Қатъий сафарбарлик шароитида яшash ва ишлашга ўтади. Бугун биз ҳам аини шундай ҳолатдамиз.

Республика махсус комиссияси томонидан вазият мунтазам таҳлил қилиниб, инфекцияни жилавлash юзасидан барча чора-тадбирлар амалга оширилмоқда.

Бу касалликка қарши кураш учун бизда барча захира ва имкониятлар мавжуд. Энг муҳими, фидойи ва жасур шифокорларимиз ўз бурчини садоқат ва матонат билан бажармоқда.

Такрор айтаман, биз энди пандемия шароитида яшashга, меҳнат қилишга ўрганишимиз шарт. Чунки ҳаёт давом этмоқда. Ҳаёт биздан акидрок, сабр-тоқат, метин интизом билан ҳаракат қилишни талаб этмоқда.

Ўзимиз кўряпмиз, дунёда қайси давлатда тиббий маданият, тартиб-интизом кучли бўлса, ўша мамлакат пандемиядан энг кам талафот билан чиқмоқда.

Биз ҳам шу йўлдан боришимиз шарт. Албатта, ўтган 4 ой давомида одамларимиз кўп нарсаларни ўрганди. Бизда ҳам маълум тажриба пайдо бўлди.

Таҳлиллар коронавирус билан зарарланишнинг олдини олиш, касалликни эрта аниқлаш, симптомсиз ва энгил кечаётган беморлар билан олиб борилаётган даволаш ва назорат тадбирларини амалга оширишда янги стратегияларни қўллашни талаб қилмоқда.

Республика махсус комиссияси бу борада тезлик билан барча зарур чора-тадбирларни ишлаб чиқсин ва амалга оширсин.

Шу мақсадда, Бош вазир ўринбосари Бехзод Мусаев, соғлиқни сақлаш вазирлиги Алишер Шодмонов бир кун муддатда амалдаги тест-таҳлил топшириш жараёнини қайта кўриб чиқиб, аҳоли учун қулай тизимни ишлаб чиқсин.

Яна бир муҳим масала – вилоят, шаҳар ва туманларда маҳаллий кенгашлар, жойлардаги ҳокимлик ва бошқаруви идоралари ўз ҳудудидаги вазиятни чуқур таҳлил қилиб, Республика махсус комиссияси билан келишилган ҳолда карантин қондаларини қаерда зарур бўлса кучайтириши, қаерда зарур бўлса юмшатиши лозим.

Барча эҳтиёт чораларини кўрган ҳолда, имконият мавжуд бўлган ҳамма жойда ишлаб чиқариш корхоналарини ишга солишимиз, меҳнат унвондорлигини оширишимиз керак.

Масалан, қишлоқ жойларда аҳоли шаҳардагидек тигиз эмас. Касаллик тарқамган ҳудудларимиз ҳам кўп. Бу ерларда ҳозирги пайтда ҳамма далада иш билан банд, одамларнинг қўли-қўлига тегмайди.

Бундай туманларда қишлоқ меҳнатқашларининг бемалол ишлаши, маҳсулотини харидорларга етказиб бериши учун барча шароитни яратишимиз керак. Чунки ёзининг бир кун кишининг ўн кунини боқади.

Ҳеч кимга сир эмас, бу йилдан бошлаб озиқ-овқат масаласи дунё миқёсида ҳал қилувчи ўринга чиқади.

Чунки коронавирусни энгил ҳам, халқ фаровонлигини таъминлаш, жамиятда тинчлик ва барқарорликни мустаҳкамлаш ҳам аввало шунга боғлиқ.

Шунинг учун бизда доимо уч ойлик озиқ-овқат захираси шай туриши керак.

Фурсатдан фойдаланиб, бугун далаларда фидокорона меҳнат қилаётган миришкор фермер ва деҳқонларимизга, соҳибкор боғбонларимизга, барча юртдошларимизга чуқур миннатдорчилик билдириб, уларга куч-ғайрат, мўл ҳосил тилаймиз.

Шу билан бирга, вазиятдан келиб чиқиб, керак жойларда карантин талабларига тўла иттифоқ этишимиз зарур.

Ҳаммамиз оиламиз, фарзандларимиз, мухтарам нурунийларимизнинг соғлиғи учун яна озгина чидашимиз, карантин қондаларига қатъий амал қилишимиз шарт.

Озгина чидадик, бу кунлар ҳадемай ўтиб кетади. «Сабр қилган муродга етар», дейди халқимиз.

Ишончим комил, ҳар бир ишни етти марта ўйлаб, чидам ва матонат билан амалга ошириб келган эл-юртимиз бугунги синовлардан муносиб ўтиб, ўзининг эзгу мақсадларига албатта етади.

ЎЗА

ЎЗБЕКИСТОНДА КОРОНАВИРУСГА ҚАРШИ КУРАШ РАҚАМЛАРДА



Коронавирус инфекцияси тарқалишига қарши курашиш харажатларига 1,7 трлн. сўм йўналтирилди, шундан:

Давлат бюджети маблағлари ҳисобидан 68,6 млрд. сўм

Вазирлар Маҳкамасининг захира фонди ҳисобидан 34,1 млрд. сўм

Давлат захираларини бошқариш қўмитаси ҳисобидан 123,5 млрд. сўм

«Ўзбекистон меҳро-шафқат ва саломатлик» жамоатчилик фонди ҳисобидан 29,3 млрд. сўм

«Маҳалла» хайрия жамоат жамағатлари ҳисобидан 81,0 млрд. сўм

Инкиришга қарши курашиш жамғармаси ҳисобидан 1347,8 млрд. сўм

Ажратилган маблағлар қуйидагиларга йўналтирилди:

тиббий асбоб-ускуна ва буюмлар учун 157,6 млрд. сўм


ПЗР тестлари, дори-дармон ва шахсий гигиена ҳимоя воситаларини сотиб олиш учун 385,9 млрд. сўм

қўшимча моддий рағбатлантириш ва 6% қўшимча ҳақ тўлаш учун 257,6 млрд. сўм

карантин зоналари ва махсус шифохоналар қуриш учун 599,1 млрд.

карантиндаги шохсаларнинг таъминоти учун 299,8 млрд. сўм.

УЙ ШАРОИТИДА COVID-19 АЛОМАТСИЗ ШАКЛИ БИЛАН ТИББИЙ КУЗАТУВ ВА ДАВОЛАШГА ОЛИНГАН БЕМОРАЛАР УЧУН ЭСЛАТМА



УЙДАН ЧИҚМАСЛИК



АКСИРГАНДА, Йўталганда БУРУН ВА ОҒИЗНИ ЁПИШ. Кўлни совун билан ювиш ва АНТИСЕПТИК ВОСИТАЛАРИ БИЛАН ЗАРАРСИЗЛАНТИРИШ



ТИББИЙ НИКОБ ТАҚИШ ВА МУНТАЗАМ РАВИИДА ҲАР ИККИ СОАТДА АЛМАШТИРИШ



ХОНАНИ ТЕЗ-ТЕЗ ШАМОЛЛАТИШ (ҲАР 2-3 СОАТДА)



УЙДАГИЛАР БИЛАН МУЛОҚОТИ ЧЕКЛАШ



ОВҚАТЛАНИШДАН ОЛДИН, ҲОЖАТХОНАГА БОРГАНДАН Сўнг КўЛНИ СОВУН БИЛАН ЮВИШ ВА АНТИСЕПТИК ВОСИТАЛАРИ БИЛАН ЗАРАРСИЗЛАНТИРИШ



АЛОҲИДА ИДИШ-ТОВОҚЛАРДАН ФОЙДАЛНИШ



COVID-19 BELGILARI ANIQLANGANDA, TEZ ERDAN «103» XIZMATIGA, HУDUDIY POLIKLINIKANGA YEM GALL MARKAZIGA «103» MURJOAAT QILINISH

